



INTERNATIONAL TRADE UNION CONFEDERATION
B-1210 Brussels, Bd du Roi Albert II 5



**SAVEZ SAMOSTALNIH SINDIKATA
BOSNE I HERCEGOVINE**

**CONFEDERATION OF INDEPENDENT TRADE
UNIONS OF BOSNIA AND HERZEGOVINA**

Obala Kulina bana I, 71000 Sarajevo, Bosna i Hercegovina

Tel: +387 33 20 20 29; tel/fax: +387 33 22 61 71

E-mail: sinbih@bih.net.ba, ajdina@sindikatbih.ba,

Int.Dept: lcausevic@sindikatbih.ba, Web-site: www.sssbih.com.ba

Broj: 01-III-06/11

Sarajevo, 06.januar 2011.godine

JP ŽFBiH d.o.o. SARAJEVO
- PREDsjedNIK UPRAVE - GENERALNI DIREKTOR
- PREDsjedNIK NADZORNOG ODBORA

Poštovani,

Savezu samostalnih sindikata BiH ponovo se obratio Samostalni sindikat željezničkih radnika u BiH, aktom od 04.januara 2011.godine, u kojem navodi da Uprava Željeznica FBiH, uprkos i naporima i razgovorima sa predstavnicima SSSBiH koji su imali za cilj prevazilaženje nesporazuma na liniji Uprava-sindikat, i dalje nastavlja vršiti pritisak na zaposlenike Željeznica FBiH, a posebno na članove tog sindikata s ciljem njegovog slabljenja i razbijanja.

U pomenutom aktu Samostalnog sindikata željezničkih radnika ukazuje se na nastavak nezakonitih radnji oko isčlanjenja članova sindikata koje provodi Uprava preduzeća, a što je potkrijepljeno kopijom akta br.3796 od 30.12.2010.godine, kojim dva direktora iz područja Sarajeva obavještavaju predsjednika Sindikalne organizacije regije Sarajevo o isčlanjenju 130 članova iz navedenog sindikata i istovremeno od Službe za ekonomske poslove JP ŽFBiH traže da se postupi po navedenim istupnicama, odnosno da prestane odbijati sindikalnu članarinu za tih 130 zaposlenika,

Povodom nezakonitog i nestatutarnog postupka isčlanjivanja iz sindikata, koje se provodi pod pritiskom izvršnih direktora, direktora sektora i drugih rukovodnih lica u ŽFBiH, Savez samostalnih sindikata BiH je već reagovao i obraćao se Upravi preduzeća, tražeći da se navedene aktivnosti odmah obustave, odnosno da se striktno poštuju konvencije MOR-a o slobodi sindikalnog organizovanja i djelovanja, Zakon o radu i akti Samostalnog sindikata željezničkih radnika u BiH. Nažalost, na naše reagovanje Uprava se očito oglušila i nastavlja sa raznim vrstama pritisaka na zaposlenike članove sindikata.

Da su tačne tvrdnje o nastojanjima Uprave da oslabi, pa i potpuno eliminiše djelovanje pomenutog sindikata, potvrđuje i izjava portparola ŽFBiH, gosp. Samira Kadrića, u Dnevnom novinama „San“ od 05.januara o.g., u kojoj on otvoreno navodi da je formiranje vijeća zaposlenika način da se onemoguće dalji štrajkovi. Iako su u navedenoj izjavi dosadašnji štrajkovi okarakterisani kao nezakoniti i štetni po preduzeće, očita je stvarna namjera Uprave da se kroz formiranje vijeća zaposlenika, koje će biti pod njenom kontrolom, eliminišu sindikat i njegovo djelovanje. Očigledno je da Uprava ŽFBiH računa s tim da će lakše manipulirati vijećem zaposlenika koje nema ingerencije da sklapa kolektivni ugovor, a posebno da u zaštiti prava i interesa radnika poseže i za štrajkom, kao legitimnim sredstvom industrijske akcije koju, prema važećim zakonskim propisima može pokrenuti samo sindikat.

2.

Poštovani,

Imajući u vidu sve navedeno, po drugi put upozoravamo da je ovakvo djelovanje Uprave ŽFBiH suprotno Konvenciji MOR br.87 o slobodi udruživanja i pravu organizovanja, Zakonu o radu FBiH, Općem kolektivnom ugovoru za teritoriju FBiH, te Kolektivnom ugovoru željezničara FBiH i internim aktima Samostalnog sindikata željezničkih radnika u BiH. Stoga tražimo da se ovakve aktivnosti bezuvjetno obustave i ponovo vas pozivamo da rješenja za prevazilaženje navedenih i brojnih drugih problema vezanih za ostvarivanje prava radnika u ŽFBiH pokušamo pronaći kroz dijalog najodgovornijih vršilaca funkcija u ŽFBiH, Savezu samostalnih sindikata BiH, Vladi FBiH i Samostalnom sindikatu željezničkih radnika u BiH.

Ukoliko se Uprava ŽFBiH i ovog puta ogлуši o naša upozorenja, Savez samostalnih sindikata BiH neće odgovarati za posljedice legitimnih akcija koje u ostvarivanju svojih prava može pokrenuti granski sindikat, uključujući i štrajk.

S poštovanjem,



PREDSJEDNIK
Mr. Ismet Bajramović

Dostavljeno:

- Naslovu
 - Potpredsjedniku FBiH, gosp. Kebo Mirsadu
 - Premijeru Vlade FBiH, gosp. Mujezinović Mustafi
 - Federalnom ministru prometa i komunikacija, gosp. Šačkanović Nailu
 - Samostalnom sindikatu željezničkih radnika u BiH
- ← OGLOSNE TRIPLE